

page :

N051

條目：

《首楞嚴三昧經》

內容：

首楞嚴三昧經 二卷

堅意、阿難、須菩提、迦葉

大乘與二乘 通達二乘而不入，示現二乘而住大心。(一・629 下—630 上) 現二乘儀法而不捨菩薩行(一・631 下)

入法位已，稱歎佛道無能為也。(一・634 下) 永失三昧 (二・643 上) 阿羅漢，具足正見者、信行者見行者，信而不能證。(二・641 上)

佛(菩薩)普現色身 (一・635 下) ——現八萬四千……億 (二・640 上一中) ——「是諸如來皆是真實。」(一・630 下) 一切平等「不過一切諸法如故」(一・631 上)

佛遍現身(不止大千)，成佛(二・640 下)

「順入真際」(一・631 中)

「不壞法性」(一・631 中) 「一切身入於法性而無身」(一・631 中) 「遍一切法性」(一・631 中) 「未曾壞諸法之性」(一・632 中)

「不可思議法性」(二・643 下)

「入大滅度而不永滅」(一・631 下，630 上)

男女無差別，得男身而不壞女身相(一・635 上)

凡夫法、佛法無二(一・636 上)

空，滅盡，離憎愛——修是三昧根本。隨一切法轉。(二・643 中)

「菩薩現行一切諸凡夫行，而於其心無貪恚癡。」(一・633 下) 化人與魔女淫交，欲意息，乃勸發心(二・638 中，640 上)

「現有妻子五欲自娛……淨戒，善能了見三有過患。」(一・632 上) 處在居家(王位色欲)現為菩薩。(一・635 上)

出處：

大乘與二乘 通達二乘而不入，示現二乘而住大心。(一・629 下—630 上)

※參見《佛說首楞嚴三昧經》卷 1 (CBETA, T15, no. 642, p. 629, c5-p. 630, b5)。

現二乘儀法而不捨菩薩行(一・631 下)

※參見《佛說首楞嚴三昧經》卷 1 (CBETA, T15, no. 642, p. 631, a16-c26)：

爾時如來還攝神力，諸佛及座皆不復現，一切眾會唯見一佛。爾時佛告堅意菩薩：「首楞嚴三昧，非初地、二地、三地、四地、五地、六地、七地、八地、九地菩薩之所能得，唯有住在十地菩薩，乃能得是首楞嚴三昧。何等是首楞嚴三昧？謂：修治心猶如虛空(一)。觀察現在眾生諸心(二)。……能於一念，示受無量無數劫壽(九十一)。**現行一切二乘儀法，而內不捨諸菩薩行**(九十二)。其心善寂空無有相(九十三)。……入大滅度而不永滅(一百)。」

入法位已，稱歎佛道無能為也。(一・634 下) 永失三昧 (二・643 上)

※參見《佛說首楞嚴三昧經》卷 1 (CBETA, T15, no. 642, p. 634, c21-p. 635, a1)：

於時瞿域天子語釋提桓因言：「諸聲聞人**已入法位，雖復稱歎愛樂佛道無能為也**，已於生死作障隔故。若人已發阿耨多羅三藐三菩提心者，今發當發，是人則應愛樂佛道，能得如是上妙色身。譬如有人從生而盲，雖復稱歎愛樂日月，然其不蒙日月光明。如是聲聞入法位者，雖復稱歎愛樂佛法，而佛功德於身無益。是故若欲得此妙身大智慧者，當發無上佛菩提心，便得如是上妙色身。」

※參見《佛說首楞嚴三昧經》卷 2 (CBETA, T15, no. 642, p. 643, a3-18)：

諸天聞佛說如是義，悉皆涕淚，而作是言：「世尊！若人已入聲聞、辟支佛位，**永失是首楞嚴三昧**。世尊！人寧作五逆重罪，得聞說是首楞嚴三昧，不入法位作漏盡阿羅漢。所以者何？五逆罪人，聞是首楞嚴三昧，發阿耨多羅三藐三菩提心已，雖本罪緣墮在地獄，聞是三昧善根因緣，還得作佛。世尊！漏盡阿羅漢猶如破器，永不堪任受是三昧。世尊！譬如有人施蘇油蜜，多有人眾持種種器，中有一人用心不固，破所持器，雖詣所施蘇油蜜所，無所能益但得自飽，不能持還施與餘人。是中有持器完堅，既得自飽亦持滿器施與他人。蘇油蜜者，是佛正法。所持器破，但得自足不能持還施他人者，即是聲聞及辟支佛。持完器者，即是菩薩，身自得足，亦能持與一切眾生。」

阿羅漢，具足正見者、信行者見行者，信而不能證。(二・641 上)

※參見《佛說首楞嚴三昧經》卷 2 (CBETA, T15, no. 642, p. 641, a16-27)：

佛言：「如是如是，如汝等說。若人不厚種諸善根，聞首楞嚴三昧不能信受。少有眾生聞首楞嚴三昧能信受者，多有眾生不能信受。善男子！人有四法，聞是三昧能得信受。何等為四？一者曾於過去諸佛聞是三昧，二者為善知識所護深樂佛道，三者善根深厚好樂大法，四者身自得證大乘深法。有是四法，則能信受如是三昧。善男子！復有滿願**阿羅漢，及具足正見者、信行見行者，是人信順如來語故，信是三昧而身不證**。所以者何？是三昧者，一切聲聞、辟支佛所不能通達，況餘眾生！」

佛(菩薩)普現色身 (一・635 下)

※參見《佛說首楞嚴三昧經》卷 1 (CBETA, T15, no. 642, p. 635, c29-p. 636, a13)：

爾時諸大弟子，及諸天、龍、夜叉、乾闥婆、釋、梵、護世天王，同聲白佛言：「世尊！若人得是首楞嚴三昧，是人功德不可思議。所以者何？是人則為究竟佛道，成就智慧神通諸明。我等今日於一座上，普見眾會種種色相若干變現，我等惟念：『若人不聞首楞嚴三昧，當知是為魔所得便；若得聞者，當知是人諸佛所護，何況聞已隨說行者。』世尊！菩薩若欲通達佛法至於彼岸，當一心聽首楞嚴三昧，受持讀誦為他人說。世尊！**菩薩若欲普現一切形色威儀**，欲悉普知一切眾生心心所行，又欲普知一切眾生隨病與藥，當善聽是三昧法寶受持讀誦。世尊！若人得是首楞嚴三昧，當知是人入佛境界智慧自在。」

——現八萬四千……億 (二・640 上一中)

※參見《佛說首楞嚴三昧經》卷 2 (CBETA, T15, no. 642, p. 640, a1-c2)。

——「是諸如來皆是真實。」(一・630 下)

※參見《佛說首楞嚴三昧經》卷 1 (CBETA, T15, no. 642, p. 630, b28-c27)：

即時世尊現大神力，遍坐八萬四千億那由他師子座上，諸天各各見佛坐其所敷座上，不見餘座。有一帝釋語餘釋言：「汝觀如來坐我座上。」如是釋、梵、護世天王各相謂言：「汝觀如來坐我座上。」有一釋言：「如來今者但坐我座不在汝座。」爾時如來以諸釋梵護世天王宿緣應度，又欲少現首楞嚴三昧勢力，亦為成就大乘行故，令諸眾會皆見如來遍在**八萬四千億**那由他寶師子座。一切大眾皆大歡喜得未曾有，各從座起合掌禮佛，咸作是言：「善哉世尊！威神無量，令諸天子各滿所願。」

其諸天子所為如來施設座者，見佛神力皆發阿耨多羅三藐三菩提心，俱白佛言：「世尊！我等為欲供養如來，滅除一切眾生苦惱，守護正法不斷佛種，是故皆發阿耨多羅三藐三菩提心。願令我等於未來世作佛如是威神之力，如今如來所作變現。」

爾時佛讚諸天子言：「善哉善哉！如汝所說，為欲利益一切眾生，發阿耨多羅三藐三菩提心，是為第一供養如來。」

時梵眾中有一梵王，名曰等行，白佛言：「世尊！何等如來為是真實？我座上是、餘座上？」

佛告等行：「一切諸法皆空如幻，從和合有，無有作者，皆從憶想分別而起，無有主故隨意而出，**是諸如來皆是真實**。云何為實？是諸如來本自不生，是故為實；是諸如來今後亦無，是故為實；是諸如來非四大攝，是故為實；諸陰入界皆所不攝，是故為實；是諸如來如先中後等無差別，是故為實。」

一切平等「不過一切諸法如故」(一・631 上)

※參見《佛說首楞嚴三昧經》卷 1 (CBETA, T15, no. 642, p. 631, a8-11)：

「梵王！是諸如來**不過一切諸法如故**，名為平等。梵王當知，如來悉知一切諸法如是平等，是故如來於**一切法名為平等**。」

佛遍現身(不止大千)，成佛(二・640 下)

※參見《佛說首楞嚴三昧經》卷 2 (CBETA, T15, no. 642, p. 640, c3-p. 641, a1)：

爾時會中諸天、龍、夜叉、乾闥婆等，諸菩薩大弟子，咸作是念：「釋迦牟尼佛**但能於此三千大千世界有是神力？於餘世界亦有是力？**」

時文殊師利法王子知眾會意，欲斷所疑，白佛言：「世尊！我所遊行諸佛國土，於是世界上過六十恒河沙土，有佛世界名一燈明，佛於其中為人說法。我至其所，頭面禮足，問言：『世尊！號字何等？我等云何奉持佛名？』彼佛答我：『汝詣釋迦牟尼佛！自當答汝。』世尊！彼佛國土功德莊嚴，說之一劫猶不可盡。復過於是，彼國無有聲聞、辟支佛名，但有諸菩薩僧，常說不退轉法輪。唯願世尊！說此佛名一燈明土講說法者！」

爾時佛告文殊師利法王子：「汝等善聽，勿懷恐怖，而生疑悔。所以者何？諸佛神力不可思議，首楞嚴三昧勢力亦不可思議。文殊師利！彼一燈明土講說法者，佛號示一切功德自在光明王。文殊師利！一燈明土，示一切功德自在光明王佛，則是我身於彼國土現佛神力，我於彼土說不退轉法輪，是我宿世所修淨土。文殊師利！汝今當知，我於無量無邊百千萬億那由他土，盡有神力，一切聲聞、辟支佛所不能知。文殊師利！此則皆是首楞嚴三昧勢力。菩薩常於無量世界示現神變，於此三昧而不動轉。文殊師利！譬如日月，自於宮殿初不移動，而現一切城邑、聚落。菩薩如是，住首楞嚴三昧，初不移動，而能遍於無量世界示現其身，隨眾所樂而為說法。」

「順入真際」(一・631 中)

「不壞法性」(一・631 中) 「一切身入於法性而無身」(一・631 中) 「遍一切法性」(一・631 中)

※參見《佛說首楞嚴三昧經》卷 1 (CBETA, T15, no. 642, p. 631, a16-c26)：

「爾時如來還攝神力，諸佛及座皆不復現，一切眾會唯見一佛。爾時佛告堅意菩薩：「首楞嚴三昧，非初地、二地、三地、四地、五地、六地、七地、八地、九地菩薩之所能得，唯有住在十地菩薩，乃能得是首楞嚴三昧。何等是首楞嚴三昧？謂：修治心猶如虛空(一)。觀察現在眾生諸心(二)。……**順入真際**(二十二)。善能攝伏眾生之類(二十三)。……破諸憶想虛妄分別(二十六)。**不壞法性**盡其邊際(二十七)。一時現身住一切佛所(二十八)。……身能遍至無餘佛土(四十七)。**使一切身入於法性皆使無身**(四十八)。**一切法性通達**無相(四十九)。善能了知一切方便(五十)。一音所說悉能**通達一切法性**(五十一)。演說一句能至無量阿僧祇劫(五十二)。……以四無礙智能令一切眾生歡喜(五十九)。現神通力**通一切法性**(六十)。……入大滅度而不永滅(一百)。」

「未曾壞諸法之性」(一・632 中)

※參見《佛說首楞嚴三昧經》卷 1 (CBETA, T15, no. 642, p. 632, a23-b5)：

佛告堅意：「菩薩住首楞嚴三昧，修行忍辱，畢竟盡故，眾生不生而修於忍、諸法不起而修於忍、心無形色而修於忍、不得彼我而修於忍、不念生死而修於忍、以涅槃性而修於忍、不壞法性而修於忍。菩薩如是修行忍辱，而無所修亦無不修。為化眾生生於

欲界，現有瞋恨而內清淨；現行遠離而無遠近，為淨眾生壞世威儀，而**未曾壞諸法之性**；現有所忍而無有法，常定不壞可以忍者。菩薩成就如是忍辱，為斷眾生多瞋惡心，而常稱歎忍辱之福，亦復不得瞋恚忍辱。堅意！是名菩薩住首楞嚴三昧羣提波羅蜜本事果報。」

「不可思議法性」(二・643 下)

※參見《佛說首楞嚴三昧經》卷 2 (CBETA, T15, no. 642, p. 643, c20-25)：

名意菩薩及諸大眾，一切皆見彌勒菩薩現首楞嚴三昧神通勢力，見已大喜，白佛言：「世尊！譬如真金，雖復鍛磨，不失其性。是諸大士亦復如是，隨所試處，皆能示現**不可思議法性**。」

「入大滅度而不永滅」(一・631 下，630 上)

※參見《佛說首楞嚴三昧經》卷 1 (CBETA, T15, no. 642, p. 631, a16-c26)：

爾時如來還攝神力，諸佛及座皆不復現，一切眾會唯見一佛。爾時佛告堅意菩薩：「首楞嚴三昧，非初地、二地、三地、四地、五地、六地、七地、八地、九地菩薩之所能得，唯有住在十地菩薩，乃能得是首楞嚴三昧。何等是首楞嚴三昧？謂：修治心猶如虛空(一)。觀察現在眾生諸心(二)。分別眾生諸根利鈍(三)。決定了知眾生因果(四)。於諸業中知無業報(五)。……出家成就佛道(九十八)。轉於法輪(九十九)。**入大滅度而不永滅**(一百)。」

男女無差別，得男身而不壞女身相(一・635 上)

※參見《佛說首楞嚴三昧經》卷 1 (CBETA, T15, no. 642, p. 635, a11-16)：

答言：「善男子！一切諸法中不成不轉，諸法一味，謂法性味。善男子！我隨所願有女人身，**若使我身得成男子，於女身相不壞不捨**。善男子！是故當知，是男是女俱為顛倒，一切諸法及與顛倒，悉皆畢竟離於二相。」

凡夫法、佛法無二(一・636 上)

※參見《佛說首楞嚴三昧經》卷 1 (CBETA, T15, no. 642, p. 636, a19-28)：

爾時堅意菩薩問現意天子言：「菩薩若欲得是三昧，當修行何法？」

天子答言：「菩薩若欲得是三昧，當修行凡夫法。若見凡夫法、佛法不合不散，是名修集首楞嚴三昧。」

堅意問言：「於佛法中有合散耶？」

天子答言：「凡夫法中尚無合散，何況佛法？」

「云何名修行？」

「若能通達，諸**凡夫法、佛法無二**，是名修集。而實此法無合無散。善男子！一切法集，無生相故；一切法集，無壞相故；一切法集，虛空相故；一切法集，無受相故。」

空，滅盡，離憎愛——修是三昧根本。隨一切法轉。(二・643 中)

※參見《佛說首楞嚴三昧經》卷 2 (CBETA, T15, no. 642, p. 643, b21-c3)：

佛言：「名意！菩薩若能觀諸法空，無所障礙，念念滅盡，離於憎愛，是名修是三昧。復次名意！學是三昧，不以一事。所以者何？隨諸眾生心心所行，是三昧者有是諸行；隨諸眾生心心所入，是三昧者有是諸入；隨諸眾生諸根入門，是三昧者有是入門；隨諸眾生所有名色，得是三昧菩薩亦示若干名色；能如是知，是名修是三昧。隨一切佛名色相貌，得是三昧菩薩亦示若干名色相貌；能如是知，是名修是三昧。隨見一切諸佛國土，菩薩亦自成是國土，是名修是首楞嚴三昧。」

「菩薩現行一切諸凡夫行，而於其心無貪恚癡。」(一・633 下)

※參見《佛說首楞嚴三昧經》卷 1 (CBETA, T15, no. 642, p. 633, c6-11)：

爾時堅意菩薩白佛言：「未曾有也。世尊！菩薩成就首楞嚴三昧，其所施行不可思議。世尊！若諸菩薩欲行佛行，當學是首楞嚴三昧。何以故？世尊！是菩薩現行一切諸凡夫行，而於其心無貪恚癡。」

化人與魔女淫交，欲意息，乃勸發心(二・638 中，640 上)

※參見《佛說首楞嚴三昧經》卷 2 (CBETA, T15, no. 642, p. 638, b5-13)：

時魔眾中二百天女，深著姪欲，見此菩薩身色端正，起染愛心，各作是言：「是人若能與我從事，我等皆當隨順其教。」

時此菩薩知諸天女宿緣應度，即時化作二百天子，色貌端嚴，如身無異；又作二百寶交露臺，勝魔宮觀。是諸天女，皆自見身在此寶臺，各各自謂與此菩薩共相娛樂，所願得滿，姪欲意息，皆生深心，愛敬菩薩。菩薩即時隨其所應而為說法，皆發阿耨多羅三藐三菩提心。」

※參見《佛說首楞嚴三昧經》卷 2 (CBETA, T15, no. 642, p. 640, a17-23)：

佛言：「堅意！如汝所說，今此菩薩住是三昧，能以神力隨意自在示現一切，行魔界行而能不為魔行所污，與諸天女現相娛樂而實不受姪欲惡法。是善男子！住首楞嚴三昧，現入魔宮而身不離於佛會。現行魔界遊戲娛樂，而以佛法教化眾生。」

「現有妻子五欲自娛……淨戒，善能了見三有過患。」(一・632 上)

※參見《佛說首楞嚴三昧經》卷 1 (CBETA, T15, no. 642, p. 632, a15-22)：

佛告堅意：「菩薩住首楞嚴三昧，不復受戒，於戒不動，為欲化導諸眾生故，現受持戒行諸威儀，示有所犯滅除過罪，而內清淨常無闕失。為欲教化諸眾生故，生於欲界作轉輪王，諸婬女眾恭敬圍遶，現有妻子五欲自恣，而內常在禪定淨戒，善能了見三有過患。堅意！是名菩薩住首楞嚴三昧尸波羅蜜本事果報。」

處在居家(王位色欲)現為菩薩。(一・635 上)

※參見《佛說首楞嚴三昧經》卷 1 (CBETA, T15, no. 642, p. 635, a17-b7)：

答言：「善男子！我知他得，身自不證。我念過世釋迦牟尼佛，在淨飯王家為菩薩時，於宮殿內眾采女中夜半清淨。爾時東方恒河沙等諸梵王來，有問菩薩乘者、有問聲聞道者，菩薩各隨所問而答。於梵眾中有一梵王，不解菩薩所行方便，而作是言：『仁者乃有如是智慧善答所問，云何貪愛王位色欲？』餘諸梵王了知菩薩智慧方便，語此梵王：『菩薩不貪**王位色欲**，將為教化成就眾生，**處在居家現為菩薩**，而今他方成就佛道轉妙法輪。』是梵王聞已而作是言：『得何三昧能作如是自在神變？』餘梵王謂言：『是首楞嚴三昧勢力。』善男子！我於爾時而作是念：『菩薩住三昧，神力感應至未曾有，處在愛欲領理國事，而能不離如是三昧。』我聞此已倍加恭敬，於菩薩所生世尊想，深發阿耨多羅三藐三菩提心，願於來世亦當成就如是功德。善男子！我所見者如是少分，我唯知此首楞嚴三昧，當有無量不可思議功德勢力。」